

Cyflwyno Newid Hinsawdd: Ddoe, Heddiw, ac Yfory

Gweithgaredd 1.3: *Face the Music* – Cymuned Ymholiad

Gall yr arddull Cymuned Ymholiad/Athroniaeth i Blant fod yn ysgogol iawn ac ymgysylltu gyda disgyblion llai hyderus. Efallai nad ydych yn gyfarwydd gyda'r arddull hwn, felly rydym wedi darparu ychydig yn fwy o wybodaeth i hwyluso'r defnydd gyda'ch disgyblion. Mae'n addas ar gyfer bob oedran, ond efallai y bydd animeiddiad 'Face the Music' yn gweithio orau fel ysgogiad ar gyfer disgyblion Cyfnod Allweddol 3 a 4. Gellid defnyddio ysgogiad gwahanol ar gyfer disgyblion iau.

Oed: 11–16

Amser: 1 awr

Nod

Archwilio cysyniadau datblygu cynaliadwy a chyd-ddibyniaeth mewn cyd-destun hanesyddol a byd-eang.

Bydd angen

Mynediad at y dudalen ganlynol ar y Rhyngwrdd –

http://www.oxfam.org.uk/education/resources/climate_change_poverty_women/ – a'r gallu i ddangos animeiddiad 'Face the Music' Oxfam i'r holl ddsbarth.

Beth i'w wneud

Cynigir y nodiadau hyn fel pwynt cychwynnol sylfaenol – efallai y bydd angen hyfforddiant ychwanegol. Ceir arweiniad pellach ar www.sapere.org.uk.

Gosodwch y disgyblion i eistedd mewn cylch.

Dangoswch yr animeiddiad i'r disgyblion. Yna dangoswch eilwaith, gan ofyn iddynt feddwl am y hyn sydd fwyaf diddorol yn eu barn hwy.

Gofynnwch i'r disgyblion ystyried yn unigol ac yna i drafod unrhyw beth diddorol gyda'r person nesaf atynt. Gofynnwch i bob un ohonynt feddwl am gwestiwn, a thrafod y cwestiynau gyda phartner neu grŵp bach.

Rhestrwch bob cwestiwn ar y bwrdd gwyn. Gofynnwch i bob grŵp egluro pam holwyd y cwestiwn, ac yna i geisio annog gweddill y dosbarth i ddewis cwestiwn hwnnw. Holwch y plant os oes unrhyw gwestiynau yn gysylltiedig â themâu tebyg, ac anogwch gwestiynau o natur mwy 'athronyddol'.

Caniatewch ddigon o amser ar gyfer trafod er mwyn cyrraedd penderfyniad ar y cyd. Yn ogystal â'r system bleidleisio arferol o un plentyn, un bleidlais, mae rhai hwyluswyr yn defnyddio gwahanol ddulliau pleidleisio, er enghraifft y bleidlais driphlyg, lle gall plant gael tair pleidlais yr un, a phenderfynu sut i'w dosbarthu.

Cychwynnwyd y drafodaeth drwy holi'r plentyn neu grŵp pa gwestiwn a ddewiswyd i'w ystyried. Anogwch ddisgyblion eraill i ymuno yn y drafodaeth.

Fel hwylusydd, swyddogaeth yr athro yw cadw'r drafodaeth i symud a hyrwyddo meddwl ac ystyriaeth feirniadol, ond nid arwain y drafodaeth!

Awgrymir rhai enghreifftiau o gwestiynau agored ar gyfer hwyluswyr gan yr Athro Robert Fisher yn ei lyfr *Teaching Thinking*.

1. Cwestiynau sy'n gofyn am eglurhad:

Oes modd i ti egluro hynny...? (Esbonio)

Beth wyt ti'n ei olygu drwy ddweud...? (Diffinio)

Oes modd i ti roi enghraifft i fi o...? (Rhoi enghreifftiau)

Sut mae hynny'n helpu...? (Cefnogi)

Oes gan unrhyw un gwestiwn i holi...? (Ymholi)

2. Cwestiynau sy'n edrych ar resymau a thystiolaeth:

Pam wyt ti'n meddwl bod...? (Ffurio dadl)

Sut wyt ti'n gwybod bod...? (Rhagdybiaethau)

Beth yw'r rhesymau...? (Rhesymu)

A oes gen ti dystiolaeth...? (Tystiolaeth)

Oes modd i ti roi enghraifft/gwrthenghraifft...? (Gwrthenghraifftiau)

3. Cwestiynau sy'n edrych ar safbwyntiau eraill

Oes modd i ti ei roi mewn ffordd arall...? (Ailosod barn)

A oes safbwynt arall...? (Dyvalu)

Beth pe bai rhywun arall yn awgrymu bod...? (Safbwyntiau eraill)

Beth fyddai rhywun sy'n anghytuno yn dweud...? (Gwrthddadleuon)

Beth yw'r gwahaniaeth rhwng y safbwyntiau/syniadau hynny...? (Gwahaniaethau)

4. Cwestiynau sy'n profi goblygiadau a chanlyniadau

Beth sy'n dilyn o'r hyn yr wyt yn ei ddweud...? (Goblygiadau)

A yw'n cyd-fynd gyda'r hyn a ddywedaist yn gynharach...? (Cysondeb)

Beth fyddai canlyniad hynny...? (Canlyniadau)

A oes rheol gyffredinol ar gyfer hynny...? (Cyffredinoli rheolau)

Sut gellid ei brofi i weld os yw'n wir...? (Profi gwirionedd)

5. Cwestiynau am y cwestiwn/drafodaeth

A oes gen ti gwestiwn am hynny...? (Ymholi)

Pa fath o gwestiwn...? (Dadansoddi)

Sut mae'r hyn a ddywedwyd/y cwestiwn yn ein helpu...? (Cysylltu)

I ble yr ydym wedi cyrraedd/pwy all grynhai hyd yma...? (Crynhai)

A ydym yn agosach at ateb y cwestiwn/problem...? (Dod i gasgliadau)

Wrth ddadansoddi (dylech adael digon o amser – o leiaf 10 munud), gofynnwch i'r disgyblion am ddatganiad terfynol am y cwestiwn. Dyma gyfle i bawb gyfranogi, hyd yn oed os nad ydynt wedi teimlo'n hyderus yn cyfrannu llawer i'r drafodaeth flaenorol.

Trafodwch yr hyn a aeth yn dda, pa faterion eraill a godwyd, beth oedd yn hwyl a beth oedd yn digio. Mae rhai hwyluswyr yn dewis herio camgymeriadau ffeithiol neu gamsyniadau yn ddiweddarach, tu allan i'r sesiwn cymuned ymholiad.

Noder y bydd cymuned ymholiad yn wahanol bob tro.